

B O K I N T Ō L Ņ A N

# KATAKIN

B O K I N T Ō L Ņ A N

# KATAKIN

Jeje jen

Kabuñ eo an Jisōs Kraist im Armej Ro Rekwojarjar ilo Raan Ko Āļiktata  
Salt Lake City, Utah

© 2008 jen Intellectual Reserve, Inc.

Aolep jimwe rej an

Kar Je ilo Amedka

Kajin Iñlij weppen: 3/01

Ukook ear weppen: 3/01

Ukook in *Bok in Tōl nān Katakin*

Kajin Majōl

# Kadkad Ko

---

|   |    |
|---|----|
| Kadkadin  | 1  |
| Kōpooj eok make ilo Jetōb   | 2  |
| Katakin Āinwōt An Jisōs kar Katakin   | 4  |
| Kōjerbal Elōn Kilen Katakin Ko  | 9  |
| Kōpooj Katak Eo Am̄   | 14 |
| Meļeļe Kōn ro Kwōj Katakin er   | 17 |
| Jeram̄man Ko Jān Katakin  | 19 |
| Leļok Kapeel n̄an Rikaki ilo Juōn Branch                                      | 20 |
| Laajrak eo n̄an Katakin Kooj ko ilo Gospel eo                                 | 22 |
| Bōk Kein Katakin Ko An Kabuñ Im Pukōti Meļeļe<br>Ko Kōn Bwebwenato In Baam̄le | 24 |

---

## Kadkad ko

*Bok in Tōļ n̄an Katakin* eo ej ekkejeļ ippān kein katak ko repidodo im renaaj kanooj jipañ barāinwōt n̄an rikaki ro im uwaan ro ilo juōn mōn jar n̄an kōjerbali kein katakin ko an Kabuñ in (lale *Meļeļe ko Kōn katak eo n̄an Ritōl ro an Priesthood im ra dik ko* [06880 874]). Bok in tōl in emaroñ jipañ ro uwaan kōkmanmanļok katakin ilo mōko im ilo douļuj ko an Kabuñ. Kajjojo rikaki eaikuj wōr an kape; jeban eo an kajojo baam̄le emaroñ ļo bwe elap an bar jipañ.



# Kadkadin

---

Bok in töl in kar kōmḡmane ḡan jinen im jemen ro, ritōļ ro, im rikaki ro. Emaroḡ in jerbaļ āinwōt ḡōttan kijejeto ko an juōn armij ḡan eddōk ļok āinwōt juōn rikaki. Emaroḡ in kōjerbaļe āinwōt juōn pedped ḡan Katak in kilaaj in Gospel im kweiļok ko ḡan kōmḡmḡnļok rikaki ro (lale peij kein 21–22).

Irooj ekar Katak in:

Im Ij ļewōj ioomi juōn kien bwe kom aikuj katakin doon katak ko an aelōḡ eo.

Irooj ar jiroḡ kōj ḡan katakin doon katak ko kōn Aelōḡ eo E ar ba bwe jej aikuj niknik in katakin im jouj eo An enaj pād ipād inem bwe jen maroḡ laplok ad wāppen ilo ad bōk katak ilo pedped, ilo katak, ilo kien ko ilo gospel, im ilo aolep men ko rej tōllok ḡan aelōḡ in Anij me rekkar ḡan ad meļeļe (lale D&C 88:77–78).



ḡweo ej aikuj wūnleplep in ijo menin ej kōmḡmḡn ie. ḡweo ej bōk jipaḡ jān katakin im ekkatak ko me rej kōmḡmḡn ilo Kabuḡ eo. Kōjwōj aolep ewōr ad eddo ko āinwōt rikaki ro ilo mōko im kabuḡ im ipān ro ruturid im ḡōttad

ilo kajjojo raan in mour. Jej katakin āinwōt ro jiḡed im jemed, ladik ro ḡejid, ledik ro ḡejid, leo pālele, lieo pālele, ro jeid im jatid. Jej katakin āinwōt ritōļ ro ilo Kabuḡ, rikaki in kilaajruum ko, emḡmaan in loļok ro, im kōrā in loļok ro. Jej bareinwōt katakin einwōt rijerbaļ ipān doon, ro ruturid, im ro jerad. Jet iien jej katakin kōn men ko jej ba im kaḡool eo jej kwaļok, ak en emakijkij ad katakin jen waanjoḡok.

Ilo parijet in Ijojet in Galilee, Irooj eo ekar jerkakpeje, kar katakin Piter, “Naajidik aō jiip” (Jon 21:16–17). Kūr eo ḡan katakin eaikuj bwe jen najdik jetōb ko an ro jet kōn ḡool ko an gospel im kōn menin tōļok er ḡan Rilomoor (lale Moronai 6:4). Lōmḡak kōn jerbaļ in katakin gospel ilo lomoor eo an ajri ro ḡejin Jemed Ilaḡ. Baj lōmḡake mōk kake juōn jerbaļ eo elap an emmejaje im ekwojarjar?

Elaḡe kwoj juōn jine ak jemā ak rikaki kaaļ kar kūrī, komaroḡ in kar inepata kōn eddo in. Kememej bwe Irooj epojak in jipaḡ eok. Ekar kallimur bwe elaḡe jej ettā bōro im wōr ad tōmak, Enaaj kōmḡmḡn bwe men ko remōjno erom kajoor [iodj]” (Ether 12: 27). Ilo kōttōpar ko ad ḡan eddōkļok āinwōt rikaki ro, jemaroḡ in ejaake imminene ko ekar mōj ad buki im kapeel ko emōj ad kar kōmḡni ilo mōur ko ad ḡan tōrein. Maroḡ ko ad renaaj eddōkļok ilo ad kanooj kōppojak, kajjeoḡ kōkajo-orlok ro jej katakin, im tōmak ilo Irooj.

# Kōpooj Eok make ilo Jetōb

---

Ilo am kōpooj eok make ilo Jetōb, Jetōb eo, ak Jetōb Kwojarjar eo, enaaj tōl im jipañ eok ilo aṃ katakin. Irooj Ear ba bwe Jetōb enaj itok ñan kōj jen jar ilo tōmak, im elaññe jeban bōk jetōb eo, jej jab aikuj katakin (lale D&C 42:14). Ɣōmṃak kein tok renaaj kōpooj eok ñan katakin kōn tōl eo an Jetōb Kwojarjar.



## Kar KōjenoƔok

Elaññe emōj kūr eok bwe kwōn katakin, kwōj aikuj in kōjenoƔok im kar lewoj juōn kōjeramṃan eo ejn-ōlok jān ritōl ro am ilo priesthood. Kōjeramṃan in enaaj jipañ eok kōtōprak kūr eo am. Ilo am kōmṃane ta eo kwomaroñe ñan kōmṃane kūr eo aṃ ñan katakin, Irooj enaaj kōlapƔok maroñ eo aṃ ñan kañal

tok ro jet ñan emṃan. Enaaj kōl-apƔok maroñ eo ippam ilōñin Ɣok kapeel ko am make im maroñ ko elaññe aikuj.



## Pukōt Tōl eo an Jetōb Kwojarjar


Pukōt Jetōb Kwojarjar ilo aṃ katakin. E emaroñ jipañ eok ñan mejeje aikuj ko an ro kwōj katakin er im ñan kōpooj katak ko bwe ren tōpar aikuj ko. Enaaj kapidodo Ɣok buruōm im kōpooj aṃ Ɣōmṃak ñan bōk elōñƔok imōk im tōl.

## Jar Emakijkij

Kōmakūjkūj am jar im kajjitōk ippān Irooj bwe en kōjeramṃan eok ilo aṃ katak im kōbbojak. Jet iien kwomaroñ kobaik jitƔok ilo jar ko aṃ. Jar ñan mejeje im ñan iqkwe armej ro kwōj katakin er. Katak ñan kile im Ɣoor karōk ko an Jetōb Kwojarjar me renaaj iwōj ñan eok.

## Katak Jeje ko Rekwojarjar

Kanooj jar ilo aṃ katak jeje ko rekwojarjar. Ilo am kōmmāne, kwonaaj katak kōn Rilomoor im eddōk ilo jelāḷokjen kōn ṃool eo. Jetōb Kwojarjar enaaj jipaṃ eok meḷeḷe kōn jeje ko rekwojarjar im ilo wāween aer jerbaḷ ṃan aikuj ko an ro ilo kilaaj eo ak ro uwaan baamḷe eo. Ilo kobaik jar im jītḷok ṃan aṃ katak jeje ko rekwojarjar, kwonaaj juōn eo kōkajoor eok im bōk tōl jen Jetōb Kwojarjar eo ilo katak ko aṃ.



## Mour kōn Gospel eo

Mour kōn katak ko ilo gospel eo joṃan wōt aṃ maroṃ. Ukwelok jen jerawiwi ko ḷok. Ilo aṃ kōṃṃani men kein, kwonaaj bōk kajoor im meḷeḷe.

Aenōṃṃan im mōṃṃō eo kwoj eṃjaake jān aṃ kajjeoṃ mour kōn gospel enaaj aḷikkar ṃan ro jet. Renaaj eṃjaake lukkuun ṃool eo ilo am kaṃool im kajoor in kilake eo aṃ. Renaaj ekkatak jen waanjoṃok in mour eo am.

Juōn rikaki ekar wōr iien epen an eṃjaake tōl eo an Jetōb Kwojarjar ilo an kōpooj katak eo an. Ilo an kar jar ṃan jipaṃ, ekar kile bwe ekar wōr an inepata ilo buruōn ṃae juōn ruturin eo ekar jab kanooj jouj ṃane. Ekar kaj-jitōk ippān Irooj ilo etta bwe en joḷok an bōd. Raan eo tok juōn ekar loḷok eo ruturin im joḷok an bōd kōn eṃjaake ko rejjab eṃṃan rekar pād ippān ṃae e. E im eo ruturin rekar epaake ḷok doon, im ekar maroṃ in bar juōn aḷen mōṃṃō kōn tōl eo an Jetōb Kwojarjar.

## Ettā Bōro

Etta bōro emaroṃ jipaṃ eok bōbrae kapo ṃan aṃ ḷōṃṃak kōn kwe make ak lap am Lale jelāḷokjen eo aṃ make ak kapāal ko am. Komaroṃ kwalok etta bōro ilo am ḷoor naan eo ilo Jabōnkōnnaan Ko 3:5–6: “Tōmak ilo Irooj kōn aolepan buruōm; im katak jaab ioom kōn aṃ make jelāḷokjen. Ilo aolep ial ko aṃ kememeje, im enaaj ba kajjen aṃ ial.” Irooj ekar katakin bwe eḷaṃṃe jenaj ettā, Irooj ad Anij enaaj tōl kōj ilo pein, im letok ṃan kōj uwaak in jar ko ad (lale D&C 112:10).



# Katakin Āinwōt An Jisōs kar Katakin

---



## Iḡkwe ro Kwōj Katakin er

Ilo mour eo An ioon laḷin, Rilomoor eo ekar kwaḷok mwilaḷ in iḡkwe im meḷeḷe ṅan aolep armej. Ekar katakin ro rijjeramōl, ro rimweie, ro rijool, im rijjerawiwi ro. Ekar katakin kōj bwe jen iḡkwe aolep im jipaṅ doon Ekar ba, “Juōn kien kāāl ij lewaj ṅan kom, Bwe komin iḡkwe doon; āinwōt aō kar iḡkwe kom, bwe komḷin bar āinwōt iḡkwedoon” (Jon 13:34). Ilo ad kwaḷok iḡkwe ṅan ro jej katakin er, renaj lapḷok aer jeḷā kōn erreō eo aer ṅan indeo, lapḷok aer itok ḷimo kōn ekkat, im lapḷok aer meḷeḷe kōn Jetōb.

Am juōn rikaki in gospel ej meḷeḷeen elapḷok jen kwaḷok juōn katak ilo kajjojo wiik. Ej barāinwōt meḷeḷeen kea kōn ro uwaan ilo kilaaj eo aṃ.

Kōmḃan bwe kwōn jeḷā kajien kajjojo iaer āinwōt juōn armej. Enaaḷ jipaṅ kōḷapḷok an polōmen am katakin. Remaroṅ in aikuji aṃ jipaṅ elaṅṅe ewōr aer kajitōk, ṅe rejjab itok ṅan kilaaj, ak elaṅṅe ewōr mōjḃo ko ilo ānbwinier. Keememey bārebōl eo an Rilomoor kōn juōn jiiḷ eo ejjābwābwe (lale Luk 15:3–6).



Juōn rikaki an juōn ajri eo ekkā an jab pād ilo kilaaj kar loe bwe aolep iien ej kūrļok baamle eo an ilo wiik eo, leo enaaj pād imōn jar eo ilo Jabōt eo ej tok. Ekar kōmṃane juōn kate nān kōnono emmakijkij ippān jinen im jemān im nān kwaļok kōn eņjake eo an kōn ajri eo nējierro. Joñan ekōn ekōtake ajri eo ālkin jikuul nē jinen im jemān rej jerbaļ bwe en jab jako jen juōn emakitkit an kilaaj.

Āinwōt juōn rikaki, emaroñ bar lap ijo kwōj kōmṃane nān jemjerāik ro uwaan ro im jipañ er dāpij wōt gospel eo. Menin elap an aorōk nān uwaan ro rōkāāl. Jipañ er bwe ren eņjake ruwainene aolep iien. Pukōt wāween ko nān er nān aer bōk kōnaer ilo kilaaj. Kōpooj eok make nān katakin ṃool ko ilo gospel kōn Jetōb im ilo iḡkwe.

## **Kakatin Ṣool ko ilo Gospel**

Rilomoor eo ekar katakin ṃool ko kōn gospel eo. Ekar kaļikkar ṃoktata pedped ko im kakien ko—tōmak, ukwelok, peptaij, im bōk Jetōb Kwojarjar. Ekar katakin kōj nān iḡkwe im jerbaļ nān doon. Ekar katakin kōn priesthood, bujen ko, im kakien ko, im aolep men ko jej aikuj jeļā, kōmṃani, im naaj itok nān E. Barāinwōt kōj jai-kuj katakin kōn gospel eo āinwōt an aļikkar ilo jeje ko rekwojarjar im naan ko an rikanaan ro ilo raan kein aļiktata. Men ko an laļ in, naan ko ad make, im ļōmṃak ko rejjab pedped ioon katak ak katak ko rejjekkār

Rilomoor ekar katakin mool ko ilo gospel eo ilo tu pidodoin. Ekar kōjerbaļ kajin ko raļikkar im meļeļe, bwebwenato ko, im waanjoñok ko jen kajjojo raan. Katak ko An rōkitbuuj elōñ imminene ko me armej remaroñ in meļeļe. Ekar kōnono kake pukōt juōn jiiip eo ejobwābwe, kappukōt juōn deka, im mōnono kōn jepļaaktok eo an juōn laddik eo ejjab pokake (lale Luk 15).

Rilomoor eo ekkā an kōjerbale naan in anōk jen jeje ko rekwojarjar ilo An katakin. Tōl ro kwōj katakin er ilo kōj-erbaļ jeje ko rekwojarjar ilo iien katak eo. Jipañ er meļeļe bwe armej ro ilo jeje ko rekwojarjar rekar ṃool in armej ro rekar eņjaake melejjoñ ko im ṃōñōñō ko ilo aer kate er jerbaļ nān Irooj. Kajjitōk kajjitōk ko me rejelet ro kwōj katakin er nān pukōt uwaak ko ilo jeje ko rekwojarjar. Rejañ er nān katak ilo mōko, im kwaļok nān ro kwōj katakin kilen bwe en emṃan aer katak. Katakin er nān kōjerbaļ jipañ ko nān katak jeje ko rekwojarjar. Leļok katak ko (assignments) me ro uwaan kilaj eo raikuj in pukōti ilo jeje ko rekwojarjar im naan ko an rikanaan ro ilo raan ko aļiktatai.

## **Katakin kōn Jetōb**

Rikaki ro ren pukōt kūlen nān bōk Jetōb an Irooj nē rej katakin. Juōn armej emaroñ katakin ṃool ko remwilaļ, im ro uwaan kilaaj eo remaroñ bōk koñaer ilo kōnono ko, bōtaab ijelokin nē jetōb eo ej pād, men kein rejjamin lukkuun kajoor im kaitoktoklimo kōn jetōb. Nē

Jetōb eo ej pād, aolep rej kajoorļok ilo aer iḡkwe Jemadwōj Ilan im Jisos Kraist, ilo iḡkwe ko aer n̄an doon, im ilo aer uļlepelok er n̄an mour kōn gospel. Laajrak kein rej jet men ko kwomaroñ kōmḡmani n̄an kadeloñ tok Jetōb eo ilo am katakin:

- Jino kōn jar.
- Katakin jen jeje ko rekwojarjar im naan ko an rikanaan ro ilo raan kein aļiktata.
- Kwaļok kaḡool eo am.
- Tilmaaki imminene ko im kūr ro jet n̄an kōmḡman āinwōt.
- Kōjerbal al (lale peij 10).
- Kwaļok iḡkwe eo am n̄an Irooj im ro jet.

Eļāñne ejejjet am kōpooj eok make, Jetōb Kwojarjar enaaj kōmramļok im tōļ eok ilo am katakin. Kwomaroñ in bōk itok limō kōn ro kwōj katakin er im ta eo kwaikuj kaļikkar ilo aḡ katakin er. Kwomaroñ bōk lōmnak ko im eñjake ko kōn ewi wāween aḡ naaj katakin er ilo likkuun jejjjet. Tōbrak ko jen aḡ kate eok enaaj lapļok ilo am etta im pokake unooidikdik ko an Jetōb. Kwonaaj barāinwōt maroñ in jipañ ro kwōj katakin er kile kajoor eo an Jetōb.

## Karwaineneik Niknik in Katak

Irooj ekar kipel kōj n̄an pukōt naan ko kōn meletlet jen bok ko remman tata.

Ekar bar kipel kōj n̄an pukōt jeļāļokjen jen katak im jen tōmak (lale D&C 88:118). Kajjojo ro uwaan rej aer eddo n̄an bōk juōn jeļāļokjen kōn ḡool eo ilo kijejeto ko an make. Eddo eo an juōn rikaki ej n̄an karuj kōḡnaan eo ilo rojet n̄an katak, meļeļe, im mour kōn gospel. N̄an kōttōprak eddo in, kwomaroñ pedped ioon jilu men ko:



1. Kōmouruur im dāpij itok limo eo an ro kwōj katakin er. Juōn ki n̄an kōmḡmane menin ej itok limo eo aḡ make n̄an katak kōn gospel. Bar juōn ej ilo aḡ kejerbaļ kilen katakin ko aḡ rekōmḡman bwe en aļikkar katak eo aḡ im kaitoktok limo, im pidodo n̄an kememeji (lale peij kein 9–12). Kairujtok limo e kanooj aorōk ilo jinoin juōn katak. Ilo aḡ karōk katak eo aḡ, pukōt wāween ko n̄an akjoke tok Jetōb, kakuk tok er kōn juōn ijino eo ekaitoktok limo, im mejeke katak ak pedped eo n̄an naaj katakin ilo katak eo.
2. Kōketak bōk koḡaer. Karōk wāween ko n̄an an aolep bōk

koṅaer ilo katak ko aṃ. Kwomaroṅ kajjitōk ippān juōn bwe en riiti juōn naan in anōk ak jeje ko rekwojarjar ak kwaḷok juōn bwebwenato. Kwomaroṅ kūr er ṅan uwake kajjitōk ko im kōbeḷḷok kōnono kōn kein katakin ko. Kwomaroṅ kajjitōk in juōn ak elōṅlok armej ṅan al juōn al ak kojaṅ juōn kein kojaṅjaṅ. Kwomaroṅ lukkuun jar im kāḷōt juōn bwe en kwaḷok an kaṃool ak tilmaake juōn aṃ make imminene eo me ejjetet ṅan unin kōnono eo ilo katak eo. Jet iien enaaj aorōk ṅan kajjitōk ippāer ṃoktaḷok ṅan aer bōk koṅaer bwe ro kwōj kajjitōk ippāer ṅan bōk koṅaer ren maroṅ kamiṅeṅe im maroṅ bōk koṅaer.

Lukkuun menin ḷōmṅak eo ilo katak eo an juōn rikaki kar aorōk in riiti Bok in Mormon. Ekar kūr jodikdik ro ilo kilaaj eo an ṅan ḷōmṅak juōn eon jen jeje ko rekwojarjar eo ekar ukōt mour ko aer. Innem ekar kūr jilu ak emen ro reṃōṅṅō in bōk koṅaer ṅan jutak im tilmaake eon ko kōnaer ṅan kilaaj eo im kwaḷok kadkadin wāween aer kar ukōt mour ko aer. Ilo an kajjojo ajri kwaḷok eṅjake ko rejnolok kōn kajoor eo an Bok in Mormon, ro uwaan kilaaj eo raar bōk eddōklok ṅan kōṅaan riit im katak jeje ko rekwojarjar kajjojo raan.

Jet armej rejjab kōnaan bōk kōnaer. Jab kajitkin kajjojo ṅan riit kōlap ak jar mae iien eo kwojeḷā ke repojak in kōṃṃane. Eḷaṅṅe ewōr am pere

kōn an juōn armej maroṅ in bōk kōṅaan, kajjitōk ippān ro reṃōṅṅō in bōk koṅaer ijelokin kajjitōk ippān juōn eo ejjab kōṅaan. Elōṅ rikatak renaaj jidik—jidik jeḷā eṅjake ṅan aer bōk koṅaer eḷaṅṅe rej lo bwe ro jet rej bōk koṅaer rej oṅaake er ilo kautiej im jouj.

3. Jipaṅ er kōjerbal ta ko rekar katak. Kwaikuj barāinwōt jipaṅ rikatak ro kōjerbal ta ko rekar katakin ṅan wāween ko ipeḷaakier ilo mour ko aer. Menin emaroṅ koba leḷok koṅaer im kōketak ko me rej jipaṅ ro uwaan kilaaj eo ewōr aer imminēṅe in ekatak kōn ṃool ko katakin. Kememej bwe katak kōn gospel eo enaaj ejjeḷok wunin ijelokin wōt ṅe ej erom gospel eo emour.

## **Ejaake juōn Mejatoto in Ekkatak**

Mejatoto eo emṃan tata ṅan katak gospel eo ej juōn eo me kajjojo armej ej ḷōmṅak kake kōn an ro jet uwaan douluul eo ekkatak. Kōṅaan eo ṅan katak ej lapḷok eḷaṅṅe rikaki ro im ri katak ro rej iqkwe doon im jipaṅ doon meḷeḷe im mour kōn gospel eo. ṅe kwe im ro kwōj katakin er komij jerbaḷ ippān doon ṅan ejaake juōn mejatotoon ekkatak eo emṃan, aeṅweṅwe ejjamin waḷok. Kwōj aikuj kajjeoṅ kōṃṃane ijo kwomaroṅ ṅan ejaake mejatoto in im ṅan jipaṅ ro kwōj katakin er jeḷā wāween ṅan leḷok koṅaer.



Laajrak in ej ñan jet men ko komaroñ kōmmani ñan jipañ ejaake juōn mejatotoon ekkatak:

- Mōkaj ñan iien kōn aolep kein katakin ko im jerbaļ ko rekkār.
- Lale bwe kilaajruum eo en erreō, emman korkan, karbōb, im en ejjelok kapo ko ie joñan wōt maroñ.
- Jino im jemlok ñe ejjjet iien.
- Iakiakwe im kōrwaineneik ro kajjojo uwaan kilaaj eo, ñe ekkār.
- Iakwe ro uwaan kilaaj eo im jipañ er eñjake inemman ilo aer bōk kōnaer.
- Kajjitōk kajjitōk ko me rejipañ ro uwaan kilaaj eo Lale unin katak eo.
- Kōketak ro uwaan kilaaj eo ñan roñjake don ilo kautiej im meļeļe.
- Kōjparok ñae kōnono ko me remaroñ in kakkūre ak kōmōjnoik kamool ko ak ilo bar juōn wāween kōmṃan bwe Jetōb eo en jako.

Meñe Ālikin aṃ kōmṃane joñan wōt am maroñ ñan ejaake juōn mejatotoon ekkatak, komaroñ iion wōt jet men ko reppen. Laajrak in ej jet lōmṃak ko remaroñ jipañ eok ella jen jet ian men ko reppen im jorren ko ekkā aer waļok.

- Eļaññe juōn poktak ewaļok, bōjrak am kōnono ṃae iien aolep im roñjake. Innem wōnṃaanļok wōt kōn katak eo.
- Eļaññe jet iian rijikuul ro rej kōnono ñan doon ilo ien ekkatak eo, kōnono ippāer ilo aer make lok iar Āļkin kilaaj im kajjitōkin er ta eo kwe im er kom maroñ kōmmane ñan kōmṃan bwe en eṃṃan kilaaj eo.
- Eļaññe jet elap aer kōnono ak uwaak kajjitōk ko, leļok kajjitōk ko ñan ro jet uwaan kilaaj eo ba ilo jouj kwonaaj kōṃaan roñ jen ro rejañin kar bōk koṃaer.
- Eļaññe ro uwaan kilaaj eo rej kōmṃan bwe kōnono ko ren rooļok jen unin katak eo uwaak kōnono ko aer bōtaab kōjepļak tok kōnono eo ñan unin katak eo.

# Kōjerbaļ Elōn Kilen Katakın Ko

---



Elōn men ko kwomaroñ kōmḡḡane ñan kōmḡḡane katak eo aḡ bwe en kaitoktoklimō im ñan jipañ ro uwaan kilaaj eo katak ḡool ko ilo gospel. Jet laajrak in ļōmḡḡak ko:

## **Kōjerbaļ Bwebwenato ko im Wanjoñok ko**

Bwebwenato ko im wanjoñok ko rekairuj im dāpij itok limo eo an armej im kwaļok wāween pedped in gospel eo jerbaļ ilo mour kajojo raan.

Kwonaaj lo bwebwenato ko remḡḡan ilo jeje ko rekwojarjar im ilo bok in katakin ko an rikaki. Mōkta jen katak eo aḡ, katak kajjojo bwebwenato ko kwōj ļōmḡḡak in kōjerbaļi. Kamminene kōnono kaki kōjerbaļ naan ko aḡ

make. Kilaaj eo aḡ enaaj lap an roñjake eļaññe kwōj kōnono jen naan ko aḡ make, ijjelokin jen aḡ riiti. Barāinwōt, ajri ro reddik reitok limoier ilo ikkūre kōn bwebwenato eo.

Juōn rikaki in Piraimere ekkā an kar jino katak eo an kōn juōn bwebwenato jen jeje ko rekwojarjar. Ñan wanjoñak, ñe katak eo an ekar kōn jouj, ekar kōnono kōn ri Samaria eo. Ajri ro rekar maroñ pijaik ilo lōmḡḡak ko aer emḡḡaan eo emōj kar koote im emḡḡaan eo kar loe im etaļ wōt jeñe. Ekar lap aer mōnono kōn jouj im kautiej eo an juōn ri Samaria eo ekar oñaake leo ekinejnej. Ajri ro rekar kijoror in roñ kain bwebwenato rot in. Rikaki ro rekar katak kilen aer

kōjerbaļ ainikier im lamlamier nān dāpij wōt itok limo eo an kilaaj eo. Ro uwaan kilaaj eo renaaj jujen kile elapļok kōn itok limo eo aer ilo jeje ko rekwojarjar.

## Kōjerbal Pija ko im Men ko Jet

RiLomoor ekkā an kōjerbal men ko jet repidodo ilo an kar katakin. Ekar kōjerbal wiit, bōk, dōka ko, im men ko jet jejeļā kaki nān jipaņ armej meļeļe ta ko Ekar katakin. Nān wanjoņok, Ekar kōnaan kōn Aelōn in Anij, nān juōn menin jeramman joņan an emņan juōn armej enaaj kar wiakake mweiuk ko an nān an bōk menin (lale Matu 13:44).



Lale peļaaikum, Ta men ko raļikkar kwomaroņ kōjerbaļi nān jipaņ ro uwaan kilaaj eo am laplok an meļeļe kōn pedped in gospel eo?

Kwomaroņ kōņaan kōjerbaļ jiņa ko im pija ko repidodo nān kaļikkar pedped in gospel. Kwaļok juōn pija jen turtur in pija ko kōn Gospel ilo aņ kōnono kōn juōn bwebwenato jen jeje

ko rekwojarjar. Jiņaik pija ko repidodo ion boot eo ak ilo juōn mōttan peba nān kōmņan bwe en laplok an bwebwenato eo kaitoktok limo.

Juōn rikaki ekar leļok katak eo an pedped wot ion būrabōl eo an Jisos kōn wiit im ujooj maroro ko. Ro uwaan kilaaj eo rej jokwe ilo melan jikin kaļlib ko, innem rikaki eo ekar jeļā ke remaroņ meļeļe ke wiit jiddik ko remaroņ jorraan nē kōmakūti ke rej dik wōt. Ekar kōpooj juōn ejojik in kāan wiit jaljel ippān ujooj ko. Ekar kwaļoke ejojik in ilo iien katak eo.

Bar juōn rikaki ej kōketake ro uwaan kilaaj eo nān kōļmanļokjen kōn juōn men remaroņ keidi nān ukweļok. Juōn uwaan kilaaj eo ekar kwaļok bwe ukweļok ej āinwōt joob, ilo wāween in ke emaroņ kareoik kōj jen jerawiwi ko.

## Kōjerbal Al



Al ej juōn wāween eo elap an emņan nān kūr Jetōb eo an Irooj nān katak ko aņ. Al ej jipaņ kōj kwaļok eņjake ko me remaroņ in pen nān kōmeļeļeik ilo kōnono.

Aļ in Jar ko rej katakin elōn pedped ko ilo gospel eo im maroñ in kōjerbaļi ilo eñanin aolep katak. Kwomaroñ kūr ñan juōn armej, juōn douluul, ak aolepan uwaan baamle eo ak kilaaj eo ñan al juōn aļ ejejjet ñan katak eo. Kwomaroñ barāinwōt riiti naan ko ilo juōn al ilo an juōn armej kōjañe kojañjañ eo. Ak kwomaroñ kōjañ juōn al eo emōj kanne ainikien.

Juōn rikaki ekar kōpooj juōn katak kōn jerbaļ (service). Ekar kālet juōn al eo me ej jipañ unļepļep im meļeļe eo. Ilo iien katak eo, ekar kūr ñan juōn kōrā bwe en riiti naan ko ilo al eo ilo an juōn iññurñuri toņ in aļ eo. Ekar kajjitōk ippān kilaaj eo ñan kejeklokijeñe naan ko ilo aer riiti. Al eo ekar jipañ ro uwaan kilaj eo ejaake elapļok kajoor kōn aorōk in jerbaļ.

## **Kajjitōk Kajjitōk Ko Me Rej Akjoketok Kōlmanlokjen Emņan im Ejaake Etaļe ko**



Kajjitōk kajjitōk ko rejimwe naaj kōketak kōlmenlokjen mwilal in katak im kōnono kake ko ilo katak eo aņ.

Kajjitōk ko im kōnono kake ko rej jipañ ilo elōn wāween ko. Rej jipañ ro uwaan kilaaj eo dāpij wōt itok limo eo aer ilo katak eo. Kwomaroñ lale eļaññe ro uwaan kilaaj eo meļeļe kōn katak eo. Ro uwaan kilaaj eo remaroñ katakin doon ilo aer uwaak im kōnono kōn kajjitōk ko. Remaroñ katak wāween kōjerbaļ pedped in gospel eo ilo mour ko aer.

Ilo am kōpooj katak eo, kāļōt kajjitōk ta eo kwonaaj kajjitōk kake. Laajrak in emaroñ jipañ eok.

- Kajjitōk kajjitōk ko remaroñ jipañ ro uwaan kilaaj eo ļōmņak kōn pedped in gospel eo im wāween an jerbaļ ilo mour ko aer. Kajjitōk ko rej aikuji an juōn armej ļōmņak kake mokta jen an uwaak ekkā aer ijino kōn “Etke?” ak “Ewi wāween?” Kwōj aikuļ eļļok jen kajjitōk ko me remaroñ uwaak kōn “aet” ak “jaab” ak bar jabdewōt naan in uwaak ko.

Ñan wanjoñok, ilo katakin juōn katak kōn pedpede mour ko ad ion RiLomņoor eo, kwomaroñ kajjitōk kajjitōk ko āinwōt laajrak in:

“Ta meļeļeen menin ñan ekkāl ioon ājņaan an Kraist?”

“Ta pedped ko jet ijjeļokin deka in Kraist jet iien armej rej karōk mour ko aer ioon?”

“Ewi wāween aņ kar jeramņan ilo am kar kālōk mour eo am ioon ājņaan an Kraist?”



- Kajjitōk kajjitōk ko me rej lūjur an ro uwaan kilaaj eo ñan tilmaake mejele ko im imminene ko aer make. Ñan wanjoñok:

“Etke Irooj ekar kakiene koj bwe jen jar aolep iien?”

“Ewi wāween an kar uwaake jar ko am?”

- Kajjitōk kajjitōk ko me rej jipañ ro uwaan kilaaj eo kōjerbaļ pedped ko ilo gospel eo ilo mour ko aer. Ñan wanjoñok:

“Ewi wāween an emṡanļok ad kōpooj koj make ñan bōk uwaak in jar ko ad?”

“Ewi wāween am jeļā ke Jisō Kraist ej RiLomoor eo an laļ?”

“Ewi wāween am kōkajoorļok am kaṡool ke Joseph Smith ej juōn rikanaan an Anij?”

Eļañne juōn ej kajjitōk ippam juōn kajjitōk eo kwojjab maroñ uwaake, kajjitōkin ro uwaan kilaaj eo bwe ren jipañ eok uwaake, ak ba ñan armej eo bwe kwōnaaj pukōt uwaak eo ñan ien in tok.

Jab inepata eļañne ro ilo kilaaj eo rej ikōñ iumwin jidik iien aļkin am kajjitōk ippāer kōn juōn kajjitōk. Ekkā aer aikuji jidik iien ñan aer ļōmṡak kōn uwaak eo. Ijowōt ke, eļañne rejjab kanoj mejele kōn kajjitōk eo, kwomaroñ in bar ukōtļok am leļok kajjitōk eo. Ñe kajjitōk ippān juōn armej

kōn juōn kajjitōk, elap an jipañ ilo kūr er kōn etaer ṡokta innem kōmṡmāne kajjitōk eo.

Āliktata, lale bwe en jab jemļok juōn kōnono emṡan bwe kwōn etal wōt im kwaļok kōn aolepan menin katak ko kwaar kōpooji. Ta eo elap an aorōk ej bwe ro uwaan ro ren eñjake karreel eo an Jetōb, kōlaplok mejele ko aer kōn gospel eo, katak wāween kōjerbaļ pedped in gospel ilo mour ko aer, im kōkajoorļok kijejeto ko aer bwe ren mour kōn gospel eo.

## **Kūr Rilotok ro Rejenoļok**

Komaroñ in jet iien kūr juōn eo ejenoļok bwe en itok ñan kilaaj eo am. Kwomaroñ kajjitōk ippān juōn eo ewāppen ilo Kabuñ eo ñan kwaļok juōn riboot, tilmaake juōn bwebwenato, ak kwaļok an kamool. Kōjelaiki mokta lok ewi toon an naaj kōnono. Bōk maļim jen bishop eo am ak branch bureejtōn mokta jen am kūr juōn riļotok eo ej jokwe ilikin ward ak branch eo.


Juōn būreejtōn an doulul eo an emṡaan ro kar kūrtoke bar juōn uwaan bwe en itok im kōnono ñan eltōr ro kōn wāween ko ñan kōmṡan bwe katakin ko imoko ren kaitoktok limo ñan ajri ro rekar lolok er. Elder ro rejjab bōk wōt mejele kaaļ ko kōn etke ajri ro raikuj bōk kōnaer ilo iien lolok ko, ak rej barāinwōt bōk elōñ lōmṡak ko kōn wāween ñan jipañ ajri ro bōk kōnaer.

## **Kōjērbal M̄akūtkūt ko**

M̄akūtkūt pidodo ko me rej iieokeļok katak eo emaroñ jipañ ro uwaan kilaaj eo, ajri ro im jodikdik ro rej, katak kōn pedped in gospel. Ejja makūtkūt kein wōt raikuj in jejjēt ñan katak kōn gospel. Elōñ kein katakin ko Kabuñ in ekar ejaaki ekoba ļōmņak ko kōn makūtkūt ko.

# Kōpooj Katak eo Am

---



Elap an aorōk ñan lukkuun kōpooj katak eo kwōj katakin bwe kwōn maroñ lelok pedped in gospel ilo tumelak in. Laajrak in lõmṇak kein renaaj jipañ eok kōppopo.

## Kile Kein Katak in ko

Kabuñ in emōj an kar kōpooj im kōmālim kein katakin ko rekkar ñan jeje ko rekwojarjar im katak ko an rikanaan ro ilo raan kein āliktata. Kajjitōk ippān priesthood ak ritōl ro eļañne men kein ewōr ñan am̄ kōjberbal:

- Juōn Bok in katakin an rikaki kar je jen Kabuñ in ñan kilaaj eo am̄
- Anōk ko kōn jeje ko rekwojarjar ñan ro uwaan kilaaj eo am̄

- Mākijiin ko an Kabuñ epād ie katak ko an rikanaan ro ilo raan kein āliktata
- Kein jipañ ko katak kōn jeje ko rok-kwojarjar ewōr ilo kajin eo am
- Juōn turtur in pija ko etaer Gospel Art Picture Kit, me ej aikuj pād ilo mōn kwelok eo



Etale ta kein katakin ko ewōr bwe kwon karōk wāween aṃ naaj kōjerbali ilo katak ko aṃ. Kwojjab aikuji kein katakin ko reppen bwe kwōn juōn rikaki eṃṃan. Kraist ekar katakin elōn katak ko ilo jikin ko. Kōketak eo aorōk tata ilo katak ko am ej Jetōb eo. Jeppet in kōjerbali kein katakin koba ɔok ippān tōl eo an Jetōb eletok maroñ eo eṃṃan tata ñan katak kōn gospel.

## Jino Kōppopo Moktaɔok

Kōpooj katak eo aṃ mōktaɔok. Ekkā an jipañ ñan jino ekkatak kōn katak ko jet wiik moktaɔok jen aṃ katakin kaki. Menin elewaj iien ñan aṃ kōlmenɔokjen im jar kōn unin katak ko im ñan jeppet aṃ pojak.

## Mejōk Unin Katak eo

Kajjojo katak eo kwōj katakin kake ej aikuji wōr an kōttōpar. Ñan wanjoñok, kōttōpar eo an juōn katak kōn jitlok emaroñ in ñan jipañ ro uwaan kilaaj eo meɔeɔe kōn kōjeramṃan ko an jitlok ak aorōk in jitlok kōn jeppet in kōttōpar eo ilo Jabōt in jitlok eo. Kwaɔok ko im kōnono eo ilo katak eo reaikuji lale kōttōpar eo.

Ñan kālōt kōttōpar eo an juōn katak, ekkatak kein katakin ko im eon ko rej jipañ jen jeje ko rekwojarjar. Kajjitōk ippān Irooj bwe en jipañ eok meɔeɔe kōn naan ko elap aer aorōk jen katak eo ñan ro kajjojo kwōj katakin er. Kajjitōkin eok make, “Ta aikuji waɔok ilo mour ko an ro ij katakin er ainwōt

juōn tōprak in katak in?” Elōn katak ko ilo unin tōl ko ejaaki ilo Kabuñ rekutbuuj unin kōttōpar eo. Naan kein remaroñ jipañ eok kālōt ewi wāween an kajjojo katak kein aikuji kareel ro kwōj katakin er.

## Kālōt Ta Eo Ñan Katakin

Ālikin am kar kālet unin kōttōpar eo an juōn katak, kālōt ta pedped ko aikuji in katakin ñan kōtōprake unin kōttōpar eo. Jet unin tōl ewōr jeje ko rekwojarjar, bwebwenato ko, im bar jet meɔeɔe ñan jipañ eok katakin katak eo. Bōtaab ekkā an juōn katak naaj lōñɔok kein katakin jen aṃ maroñ katakin ilo awa eo lewaje. Ilo jōkɔok in wōt, kwōj aikuji kālōt kein katakin eo enaaj ɔap an jipañ ñan ro kwōj katakin er. Kajjitkin eok make, “Katak im pedped ta ko ilo katak eo renaaj jipañ ro uwaan kilaaj eo tōpar kajjitōk ko rej kiio iioni?”

Eɔañne kwōj aikuji kein katakin eo ejako ilo unin tōl eo ak ilo jeje ko rekwojarjar, ɔōmṃak kōn kōjerbali bwebwenato ko im kōnono ko jān *Enaan ko an Būreejtōnji eo Kein Kajuōn, Enaan in katak an Kōra ro*, im bok ko an Kabuñ, en kab baj naan ko jān Kweiɔok eo Elap.

Ilo am kālōt ta ñan katakin:

- Kanooj jar im katak kōn tarlep in katak eo.
- Kōmṃane juōn laajrak in katak ko im pedped ko raorōk repād ilo katak eo.

- Lien otemjej kememej aikuj ko im jeļāļokjeņ ko an ro kwōj katakin er.
- Țoor tōl eo an Jetōb.

Ekkā wōt an emņan tata nān kalim-  
jōke juōn ak ruo unin katak ko.

## Kālōt Wāween Katakin

Ālikin aņ kālōt ta eo nān katakin,  
kwaikuj kālōt kilen am katakin kake.  
Ekkatak kōn kein katakin eo im kanooj  
lukkuun jar kōn wāween ko remņan  
nān aņ leļok nān ro kwōj katakin er.  
Buntōn ko kwōj kōjērbali rej aikuj  
jipaņ rikkatak ro meļeļe im kōjērbal  
ta ko kwōj katakin.

Kanooj ekkatak kōn jeje ko rekwojar-  
jar, bwebwenato ko, im meļeļe ko jet  
kōnono kaki ilo katak ko im ilo jeje  
ko rekwojarjar jet me renaaj jipaņ eok  
katakin katak ko ak pedped ko. Pojak  
nān jipaņ ro uwaan kilaaj eo meļeļe  
kōn wāween an jeje ko rekwojarjar  
jērbal ilo mour ko aer (lale 1 Nipai  
19:23).

Barāinwōt lōmņak in kōjērbali bwe-  
bwenato ko im wanjoņok ko jen  
mour eo aņ make im mour ko an ro  
ilo kilaaj eo aņ. Nān wanjoņok, juōn  
jodikdik ekabwōjrak an kōbataat āli-  
kin juōn kilaaj eo an priesthood kōn  
Naan in Meletlet ijo me rikaki eo ekar  
kōmeļeļeik iminene eo an leo jatīn ilo  
an kar eļļā jen iminene in. Wanjoņok  
in ekar kwaļok bwe juōn rikōbataat  
emaroņ ukōt iminene eo an. Roņjake

bwebwenato in ekar jipaņ ro uwaan  
kilaaj eo kōmņane juōn jemļok bwe  
en maroņ ukōt mour eo an.

Nān meļeļe ko kōn buņton katakin ko  
me renaaj jipaņ eok leļok katak eo, lale  
pej kein (9–12) ilo unin tōl in.

## Karōk juōn Jemļok

Rilomoor ekkā an kōkaduik ta ko E  
ekar katakin im rejaņ armej ro bwe  
ren kōjērbali ilo mour ko aer (lale  
bwebwenato eo kōn rijamadia eo  
emņan, (Luk 10:30–37). Ilo jemļokin  
juōn katak, kwōj aikuj bar etaļe im  
kōkaduik ta eo kar katakin. Kwaļok  
jet wāween ko ro uwaan kilaaj eo  
nān kōjērbal katak ko ilo gospel eo  
ak pedped ko, im kajjitōk ippāer nān  
kwaļok bar jet wāween. Rejaņ er nān  
kajjeoņ kake juōn iaan ļōmņak kein  
ilo wiik ņe ej itok. Ilo katak kein tok,  
kwomaroņ kajjitōk ippāer ta ko rekar  
ekatak jen wōt kijejeto ko aer.

Rijikuul ro ilo kilaaj eo an juōn rikaki  
rekar kirtok er nān kōmņane juōn  
makitkit in jērbal kajjojo raan ilo juōn  
wiik. Ilo jinoin kilaaj eo tok juōn, rikaki  
eo ekar kajjitōk kōn juōn ripoot kadu.  
Jet iaan ro uwaan kilaaj eo rekar mōņ-  
oņō in tilmaake iminene ko aer im  
mōņoņō eo rekar eņjaake ilo aer kar  
dood katak eo nān an jērbal. Țōmņak  
ko remņan an ro uwaan kilaaj eo  
rekar kaitok limoin ro jet nān leļok  
eļapļok jipaņ jen er make.

# Meļeļe Kōn ro Kwōj Katakin er

---



Eaorōk bwe kwōn meļeļe kōn ro kwōj katakin er. Ļōmņak kake dettan im iminene eo an ro uwaan kilaaj eo. Arnej ro ilo oktak in iiō ko ewōr aer oktakin in aikuj im katak ilo wāween ko reoktak.

## Ajri ro

Ajri ro rej eddōkļok ilo kanniek, ippān doon, ilo kōļmenļokjeņ, im ilo jetōb. Ilo aņ kōpooj katak eo aņ, kememeej kabeel ko, maroņ ko, im aikuj ko an kajjojo ajri.


Ajri ro rej mōņōņō kōn elōņ kain men. Kōjerbal bwebwenato kadu ko, iuk-kūre pidodo ko, pija ko, kōkkaļe ko rej kōmļeļeik juōn katak, im al ko ñan dāpij wōt itok limo eo aer.

Ajri ro rej kab itōn katak kōn leļok, jous, im kijenmej. Jipaņ er eļļā jen mwil ko renana ilo wāween kein jen kakememej er kōn wanjoņok ko an Jisōs im rejaņ er ñan ļoor E.

Ajri ro rej leke im tōmak. Renaaj tōmak ta eo kwōj katakin er. Renaaj barāinwōt kaļimjek im loor wanjoņok eo aņ.

## Jodikdik ro

Tōre eo ikōtaan ajri im ritto ej juōn iien epen im ju. Ro uwaan kilaaj eo emaroņ wōr jet iaer elōņ aer eddo ko ilo baamļe ko aer, ilo jikuul, im ilo jikin jerbaļ. Laajrak in ļōmņak kein remaroņ jipaņ eok kareel jodikdik ro ñan indeeo.



Kōpooj kajjojo katak ñan kōjerbali ilo mour ko aer. Jipañ er lo ewi wāween an gospel eo maroñ uwaake kajjitōk ko aer im jipañ er kōm̄m̄an kālōt ko rem̄m̄an.

Jodikdik ro remaroñ eñjaake aer ajimakeke ak aer jap aorōk. Jipañ kajjojo armej bwe ren erom m̄ōttan kilaaj eo aṃ. Pād ilo juōn kumi eo kōn joñak ko ilo gospel ej letok ñan jodikdik ro jitbōn kajoor im jipañ er dāpij mour in erreko ko aer.

Kwaļok aṃ kautiej ļōm̄ṃak ko aer. Rejañ er ñan bōk koṅaer ilo katak eo im kōnono kōn ļōm̄ṃak ko aer ippam im ippān doon.

## **Ritto ro**

Ro uwaan kilaaj eo an ritto rej iio ko rōkkarere im eoktak kōļmenļokjeṃ im iminene ko aer. Kōjerba oktak kein ñan kōk̄m̄anm̄anļok kilaaj eo aṃ. Rejañ kajjojo ro uwaan kilaaj eo ñan tilmake jeļāļokjeṃ eo rekar ekkatak kake jen iminene ko aer. Kōjerbal kapeel ko aer relōñ.

Katakin m̄ool ko an gospel eo ilo pidodo. Jetōb Kwojarjar eo enaaj jipañ ro uwaan kilaaj eo meļeļe im kōjerbal m̄ool ko ilo mour ko aer kajjojo.

# Jeramman ko Jān Katakin

---



Āinwōt juōn rikaki, kwomaroñ eñjaake mōñōñō eo ej itok jen jipañ ro jet eddōklok ilo jeļālokjen ko aer kōn gospel eo. Kijejeto ko kōn niknik im tōmak eo aṃ ñan katakin kōn gospel eo enaaj jipañ ro jet, kōkajoorļok kaṃool ko kōn RiLomoor, im mour kōn kien ko.

Juōn rikaki in Jabōt Jikuul ekar inepata bwe elōñ ro jet ilo kilaaj eo eļaplok aer jeļā katakin jene. Ekar bwiloñ elaññe katakin eo an ekar emman. Innem juōn Jabōt juōn uwaan kilaaj eo ekar kōnono ippān rikaki eo. Ekar ba kōn wōt iminene ko an leo ippān kōn Jetōb eo ilo kilaaj eo, ekar kiō wijleplok an ñan baamle ko an ippān doon aolep raan ñan jar an baamle. Ekar barāinwōt wijleplok an ñan etal ñan tampeļ im liāp

āinwōt juōn baamle. Ro uwaan kilaaj in rekar kwaļok aer iķkwe im kaṃoolol elap kōn aolep kijejeto ko an rikaki eo ñan kadelōñ tok Jetōb eo ñan kilaaj eo. Kōn menin buruōn rikaki eo ekar oprak kōn jouj, im ekar meļeļe mool in kōttōpar eo im ñebar ko an katakin.

Ilo aṃ katakin, naaj kōjeramman eok ekoba rijikuul ro aṃ. Jeļā eo aṃ kōn gospel eo im kaṃool kōn RiLomoor enaaj kōkajoorļok ilo am katak, kōppopo, im katakin kōn gospel eo. Kwonaaj eñjaake eļaplok iķkwe ñan ro jet. Kwonaaj eñjaake juōn kareel eo eutieļ an Jetōb eo ilo mour eo aṃ ilo an jouj im kijejeto kōttōpar ñan mour kōn ta eo kwōj katakin. Mour eo aṃ naaj kōkmanmanļok jen wōt jermal eo aṃ āinwōt juōn rikaki.



# Leḷok Kapeel n̄an Rikaki ilo juōn Branch

---



Branch Būreejtōnji eo ej an eddo n̄an em̄manlok in katakin ilo branch eo.

## **Eddo Ko An Ribōk Eddoon Wōnmanḷok An Rikaki**

Ilo an lōṅlok ro uwaan branch eo, juōn iaan ro uwaan branch būreejtoōnji eo ej kir im kōjenoḷok juōn ribōk eddo in wōnmanḷoke an rikaki. Ribōk eddo in rikaki eo emaroṅ in juōn em̄maan ak kōrā. E ej juōn uwaan branch kḷoṅjel eo im ej jeral āinwōt juōn rijjipaṅ n̄an priesthood im ritōl ilo ra ko jet im rikaki ro ilo aer kijejeto n̄an kōkōm̄anmanḷok katakin kōn gospel. Ribōk eddo eo ej jipaṅ ritōl ro karōk im kōm̄man kweiḷok ko n̄an wōnmanḷok an rikaki, im n̄e jitōne, ej katakin kilaaḷ in Katakin Kōn Gospel.

## **Jipaṅ ko an Ritōl n̄an Rikaki ro**

Priesthood im ritōl ro ilo ra ko rej eddo in em̄manḷok in katak kōn gospel eo ilo doulul ko aer. Rej karōk juōn wanjoṅok kōn katakin elap im jipaṅ rikaki ro meḷeḷe kōn aorōk in kir ko aer. Rej kwaḷok kammoolol im leḷok jipaṅ im rejaṅ n̄an rikaki ro rej jeral ippāer. Emm̄an eo kōn katakin ilo Kabuṅ in enaaḷ em̄manḷok ilo an ritōl ro leḷok jipaṅ im kōketak eo n̄an rikaki ro ilo doulul ko aer.

## **Kweiḷok ko n̄an Wōnmanḷok an Rikaki**

Kajojo priesthood im ritōl an ra ko jet im rikaki ro rej aikuj pād ilo juōn

kweiļok an wōnmanļok an rikaki juōn alen ilo jilu allōn nān katak pedped ko, buñtōn ko, im kapeel ko nān kōkm-anmanļok katakin im ekkātōk kōn gospel eo. Ribōk eddo eo an wōnmanļok an rikaki ej bōk tōl im laajrak in iien im karōk lowaan kweiļok ko ilo an bōk jipañ jen priesthood im ritōl ro an ra ko jet. Kweiļok ko raikuj kōmman ilo iien ko rejjet nān rikaki ro im ritōl ro bōtaap en jab idaaptōk ilo kweiļok ko ilo Jabōt. Ilo mool, kweiļok ko ren jab eļļā jen juōn awa aetok.

Juōn kweiļok an wōnmanļok an rikaki emaroñ wōr:

- Juōn ennaan kadu jen branch būrejtōnji eo ak juōn priesthood ak ritōl jen ra ko jet kōn juōn pedped in katakin ak katak.
- Juōn kwaļok kōn buñtōn katakin ak kapeel jen juōn priesthood ak ritōl ak juōn rikaki.
- Iien nān rikaki ro im ritōl ro nān aer tilmake ļōmņak ko im kōnono kōn wāween ko nān jipañ kajjojo ro uwaan kilaaj eo.

Ilo an lōñļok oran rikaki ro im ritōl ro ilo branch eo, juōn kweiļok in wōnmanļok an rikaki maroñ kōmman kajjojo kuwata:

- Rikaki ro im ritōl ro 18 iiō im ritt- oļok.
- Rikaki ro im ritōl ro 12 nān 17 aer iiō.
- Rikaki ro im ritōl ro ilo Piraimere.

Kweiļok kein remaroñ naaj jikejuuļ bwe juōn en kōmman kajjojo allōn.

## **Katakin Kilaaj in Gospel eo**

Katakin kilaaj in Gospel eo ej kōmmane juōn pedped nān jipañ ro uwaan ro erom juōn rikaki eo ejeļā katakin kōn gospel ilo mōko mweer im ilo Kweiļok ko an Kabuñ. Juōn laajrak in kilaaj ej pād ilo peij kein (21–22) ilo unin tōl in. Ribōk eddo eo an wōnmanļok an rikaki ej katakin kilaaj ijjelokin wōt ñe branch būrejtōnji ej kūr bar juōn uwaan branch eo nān katakin kake.

Ñan ritōl ro ak rikaki ro jen juōn doulul, emaroñ in katakin āinwōt mōttan kweiļok ko an ritōl ro. Ijoko rettoļok jen jikin kweiļok eo ak jikin ko ralikar ekōmman bwe karōk ko an Jabōt Jikuuļ en pen ļoori, juōn koba in katak imōko im jet kweiļok ko an kilaaj (kajjojo rej bōk jet katak) maroñ in ļōmņak kake.

# Laajrak eo ñan Katakin Kooj ko ilo Gospel eo

---

Katakin Gospel kilaaj eo eletok juōn. Iien ñan aolep uwaan ro ilo kabuñ ñan aer katak wāween aer erom rikaki ro remṃanḷok. Rikaki eo an kilaaj in ej ribōk eddo in wōnṃanḷok an rikaki ak bar juōn eo ewōr an iminene in rikaki kūr jen branch būreejtōn eo. Kilaaj in emaroñ in kar katakin ilo iien Jabōt Jikuul ak ilo bar jet iien eo emṃan. Eḷaññe kilaaj in ej kōmṃan ñan ritōl ro im rikaki ro jen kajjojo doulul, emaroñ kar katakin āinwōt mṃottan kweiḷok ko an ritōl ro. Ijo kōtaan ak an jab pojak kein jermal ko ekōmṃan bwe Jabōt Jikuul en pen ñan loore, juōn kobain katak ilo mweo im jet iien kweiḷok in kilaaj ko (kajjojo rekōmṃan jet katak ko) maroñ ḷōmṃak kake.

ḷōmṃak ko ñan kajjojo katak rej pād ilowaan bōk in tōl in. Ilo an rikaki eo kōpooj juōn katak, ej aikuj kōjermal ḷōmṃak ko ilo mweñan eo kein karuo “Kōjermal Elōñ Wāween Buñtōn Katakin ko” Ilo jemḷokin juōn katak, rikatakin eo eaikuj rejañ ro uwaan kilaaj eo ñan kōjermal ta ko rekar katak ilo raan ṇe, ñe ejab ilo kilaaj eo ilo Mōn Jar eo ak ilo iien nokōn in jota Menin enaaj kanooj kōḷapḷok eddōkḷok eo aer āinwōt rikaki. Ijjelokin ilo kaḷikkare, kilaaj in eaikuj katakini iumwin ruaḷitōk wiik aetokan ekkār ñan laajrak in karkan iien in. ḷōmṃak kein ilaḷ rej ñan rikatak eo an kilaaj in.

## Wiik 1

Leḷok ñan kajjojo iaan ro uwaan kilaaj in juōn kape in bok in tōl in, im etale kobban. Pedped in katak eo eoon in kōmeḷeḷe ko im ilo mweñan eo “Kōpooj Kwe Make ilo Jetōb.” Kallikar aorōk in kōjenoḷok im mour kōn gospel eo ñan maroñ in bōk Jetōb.

## Wiik 2

Lale “Iḷkwe Ro Kwōj Katakin Er,” ej pād ilo mweñan eo “Katakin Āinwōt an Jisos kar Katakin.” Bar lale jekjek ko an dedjab in kumi ko ilo peij (16–17) ilo bok in tōl in. Kajjitkin uwaan in kilaaj in ñan tilmake iminene ko me meḷeḷe ko ak kōttōpar ro uwaan baamḷe ko ak uwaan kilaaj eo ilo iḷkwe emōj an wōr jermal ko remṃan. Kwomaroñ barāinwōt kōṇaan kōnono kōn wāween an rikaki ro maroñ tōbar im kōkkajiririki kajjojo uwaan ekkār ñan aikuj ko an, eḷaptata ro ej rej kab oktak im uwaan ro ewōr mōjno ko ilo ānbwinnier.

## Wiik 3

Lale “Katakin Mool Ko ilo Gospel eo,” ej pād ilo mweñan eo ilo “Katakin Āinwōt an Jisōs kar Katakin”. Kalikkar aorōk in katakin katak ko ilo tōmak, ilo jejjet, im ilo pidodo, kōjermal jeje ko rekwojarjar ilo katakin, im ejaake juōn karōk ñan katak kōn gospel eo ippam make.

## Wiik 4

Lale “Katakin jen Jetōb eo,” ej pād ilo mweñan eo ilo “Katakin Āinwōt an Jiōs kar Katakin.” Jipañ ro uwaan kilaaj eo eñjake ellewetak eo me maroñ in bōk Jetōb ilo katak ko aer. Jipañ er katak ñan kile im ļoor Jetōb eo.

## Wiik 5

Lale “Karuwainene Ekkatak eo Etiljek” ej pād ilo mweñan eo ilo “Katakin Āinwōt an Jisōs kar Katakin.” Kaļikkar jet wewen ko me rikaki ro remaroñ jipañ ro rej katakin bōk eddo ñan katak kōn gospel eo im ļoore ilo aolep mour eo aṃ.

## Wiik 6

Lale “Ejaake juōn Mejatotoon Ekkatak,” ej pād ilo mweñan eo taitōļ in “Katakin Āinwōt an Jisōs kar Katakin.” Jipañ ro uwaan in kilaaj eo meļeļe ewi wāween ejaake juōn mejatoto eo me aolep rej bōk kōnaer im rej kōnaan katak.

## Wiik 7

Lale mweñan taitōļ in “Kōjberal Elōñ Kilen Katakin ko.” Ejaake juōn kilen katakin eo emṃan eaikuj ļomṃak im kapeel, im kein katakin ko ilo mweñan in remaroñ in jipañ. Kajjitōk ippān ro uwaan in kilaaj eo ñan kwaļok kilen ak tilmake iminene ko rekar bōki ippān kilen katakin ko kar kōnono kaki ilo mweñan in.

## Wiik 8

Lale mweñan eo taitōļ in “Kōpooj Katak eo Aṃ.” Jipañ ro uwaan in kilaaj eo meļeļe aorōk in jino kōpooj katak eo ṃoktaļok, im kōnono kōn kilen karōke im kwaļok katak ko rej jermal.

Ilo jōkjōk ko rōkkar ilo iien kilaaj, kwomaroñ kaļikkar ko ilo mweñan eo taitōļ in “Nebar ko an Katakin.” Kajjitōk ippān ro uwaan kilaaj eo ñan tilmaake wāween ko rikaki ro kar bōk kōjeramṃan mour ko aer im wāween ko āinwōt jet rikaki ro emōj aer maroñ jipañ ro jet.

Ālikin an jemļok kilaaj eo, rejañ ro ilo kilaaj eo ñan wōnṃanļok wōt im kōkajoor er āinwōt jet rikaki. Eļañne rejkab kūr ñan rikaki ilo kilaajruum, priesthood ro aer ak ritōļ ro ilo ra ko jet aikuj kweiļok ippāer im leļok jidik kōkapilōklōk kōn kilaaj eo im ro uwaan. Āļkin menin, rej aikuj kaj-jojo aļlōñ ribbooti wōnmaanlok ko aer im kōnono kaki aikuj jiddik ko im kōketak ko ippān priesthood ro aer im ritōļ ro jet. Remaroñ kūr juōn ritōļ ñan loļok kilaaj eo aer im jipañ er ilo juōn wāween. Ribōk eddo eo an wōnṃanļok an rikaki ej wōnṃan-ļok wōt āinwōt rijjipañ ñan aolep rikaki ro—ro kūr er āinwōt kilaaj-ruum rikaki im ro rej katakin ilo baamle ko aer im ro rej katakin āinwōt ṃōttan jermal ko an ritōļ.

# Bōk kein Katakīn ko an Kabuñ im Pukōt Meļeļe ko ilo Bwebwenato in Baamļe

---

Ritōl ro ijin im ro uwaan ro jet remaroñ bōk kein jermal ko an Kabuñ, ekoba jeje ko rekwojarjar, kilaaj in katak, mākiijin ko an Kabuñ, nuknuk kwojarjar ko, im nuknuk in tampeļ, jen jikin leto-letak eo an Kabuñ ak service center, jen Salt Lake Distribution Center ak ilo jikin

Internet eo an Kabuñ, me ej pād ilo [www.lds.org](http://www.lds.org).

Meļeļe kōn Bwebwenatoon Baamļe jermal eo ewōr ilo Church's Family History Internet site, me ej pād ilo [www.familysearch.org](http://www.familysearch.org).

KABUÑ EO AN  
JISŌS KRAIST  
IM ARMEJ RO REKWOJARJAR  
ILO RAN KO ĀLIKTATA

MARSHALLESE



4 02345 95874 7

34595 874